



Broj: 05/1-50-13-312-7-3/15
Sarajevo, 18. 5. 2015. godine

ZAPISNIK

7. sjednice Nezavisnog odbora

Parlamentarne skupštine BiH

Sjednica je održana 18.5.2015., s početkom u 13 sati.

Sjednicu je sazvaio Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić - Jusufbašić, Adisa Begić, Nikola Džambas, Mate Miletić, Ljubomir Kuravica, Miroslav Škorić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Zoran Brkić iz Sektora za odnose s javnošću Sekretarijata Parlamentarne skupštine BiH te Senad Zlatar i Julijana Marić, predstavnici OHR-a.

Predsjednik Nezavisnog odbora Žiko Krunić konstatirao je da postoji kvorum za rad i otvorio 7. sjednicu Nezavisnog odbora Parlamentarne skupštine BiH.

Nakon otvaranja sjednice predsjednik je predložio sljedeći

DNEVNI RED

1. Usvajanje Zapisnika 6. sjednice Nezavisnog odbora;
2. Razmatranje Prijedloga izvještaja o radu Nezavisnog odbora za 2014. godinu;
3. Tekuća pitanja.

Nakon predlaganja dnevnog reda a prije glasanja, predsjednik Nezavisnog odbora otvorio je raspravu o dnevnom redu.

Za riječ se javio prvi zamjenik predsjednika Nezavisnog odbora Enes Obralića koji je predložio da se u dnevni red današnje sjednice uvrsti još jedna tačka koja glasi: „Da se danas uputi prijedlog Vijeću ministara BiH za smjenu direktora SIPA-e Gorana Zupca“. Nakon toga je otvorena rasprava o prijedlogu Enesa Obraliće i formulaciji ove tačke dnevnog reda u kojoj je učestvovala većina članova Nezavisnog odbora. Utvrđeno je da predložena tačka dnevnog reda glasi: „**Prijedlog Vijeću ministara BiH za suspenziju ili smjenu direktora Državne agencije za istrage i zaštitu**“.

Za ovaj prijedlog glasalo je svih devet članova Nezavisnog odbora.

Nakon što je usvojen prijedlog dopune dnevnog reda prvog zamjenika predsjednika Nezavisnog odbora Enesa Obraliće, predsjednik Nezavisnog odbora konstatirao je sljedeći

D N E V N I R E D

1. Usvajanje Zapisnika 6. sjednice Nezavisnog odbora;
2. Razmatranje Prijedloga izvještaja o radu Nezavisnog odbora za 2014. godinu;
3. Prijedlog Vijeću ministara BiH za suspenziju ili smjenu direktora Državne agencije za istrage i zaštitu“;
4. Tekuća pitanja.

Ad.1. Usvajanje Zapisnika 6. sjednice Nezavisnog odbora

Zapisnik 6. sjednice Nezavisnog odbora usvojen je jednoglasno bez primjedbi.

Ad.2. Razmatranje Prijedloga izvještaja o radu Nezavisnog odbora za 2014. godinu

Predsjednik Nezavisnog odbora Žiko Krunić otvorio je raspravu o ovoj tački dnevnog reda. U raspravi je učestvovala većina članova Nezavisnog odbora. Članica Nezavisnog odbora Adisa Begić predložila je da se ova tačka dnevnog reda odgodi za sljedeću sjednicu Nezavisnog odbora te da se u roku od sedam dana dostave primjedbe na Izvještaj o radu Nezavisnog odbora za 2014. godinu.

Za ovaj prijedlog glasalo je svih devet članova Nezavisnog odbora

Ad.3. Prijedlog Vijeću ministara BiH za suspenziju ili smjenu direktora Državne agencije za istrage i zaštitu

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Za riječ se javio prvi zamjenik predsjednika Enes Obralića koji je još jednom naglasio da je njegov prvobitni prijedlog bio da se u formi zaključka danas uputi prijedlog Vijeću ministara BiH za smjenu direktora SIPA-e te da smatra da se to trebalo uraditi već davno ali kad već nije, da se to uradi danas. Pozvao je još jednom kolege da zaista ozbiljno odgovore ovom zadatku jer smatra da je on pravno utemeljen i opravdan.

Nakon rasprave, pristupilo se glasanju o prijedlogu Vijeću ministara BiH za suspenziju ili smjenu direktora Državne agencije za istrage i zaštitu. S tri glasa „za“ i šest „protiv“ konstatirano je da prijedlog nije dobio potrebnu većinu.

Ad. 4. Tekuća pitanja

Predsjednik Nezavisnog odbora Žiko Krunić je u uvodu za ovu tačku dnevnog reda predložio da se obavezno do kraja maja održi sastanak Nezavisnog odbora s direktorom Direkcije za koordinaciju policijskih tijela BiH Mirsadom Vilićem ili njegovim zamjenicima. Nakon rasprave u kojoj je učestvovala većina članova Nezavisnog odbora, ovaj prijedlog usvojen je jednoglasno.

Predsjednik Nezavisnog odbora Žiko Krunić zaključio je sjednicu u 16 sati.

Prilog ovom zapisniku je audiozapis sa sjednice (CD x1).

**SEKRETAR
NEZAVISNOG ODBORA**
Ivana Lovrić

**PREDSJEDNIK
NEZAVISNOG ODBORA**
Žiko Krunić